

Data 23.04.2024

PROCESVERBAL – Tipi i kontratës - Shërbime

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

SIGURACIONI I QKUM

KODI PËRKATËS NË FJALORIN E PËRBASHKËT TË PROKURIMIT (CPV):

66510000-8

VLERA E FONDIT LIMIT:

5.145.000 (pesëmilionë e njëqind e dyzet e pesëmijë) lekë pa TVSH

Në bazë të nenit 21, pika 2, të Ligjit nr.162/2020 “Për prokurimin publik”, i ndryshuar, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, autoriteti/enti kontraktor Qendra Kombetare e Urgjences Mjekesore ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

b. Formularin Përmbledhës të Vetëdeklarimit, sipas shtojcës 8

c. Sigurimin e Ofertës, sipas Shtojcës 3;

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”.

2. Kandidati/Ofertuesi duhet të dorëzojë:

2.1 Kapacitetin profesional të operatorëve ekonomikë:

- Operatori ekonomik duhet të paraqesë Liçence profesionale për kryerjen e aktivitetit në fushën e Sigurimeve (sigurim jo-jete), ku të përfshihen edhe: Sigurimi i pasurisë, pronës etj, lëshuar nga Autoriteti i Mbikëqyrjes Financiare. Licensa duhet të përfshijë të paktën këto kategori: sigurimi nga zjarri dhe forcat e natyrës, sigurimi i dëmtimeve të tjera të pasurisë etj.

Argumentimi: Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenit 41, pika 4, gërma a,) të VKM nr.285, datë 19.05.2021 “Për miratimin e Rregullave të Prokurimit Publik”, ligjit nr.52/2014 ” Për veprimtarinë e sigurimit dhe risigurimit”.

Me anë të këtij kriteri kërkohet që operatorët ekonomikë të dëshmojnë se disponojnë licensë për kryerjen e aktivitetit të sigurimit të pasurisë (jo jete)

Në nenin 6 të ligjit nr. 52/2014 ”Për veprimtarinë e sigurimit dhe risigurimit”, pika 1 dhe 2 parashikohet:

1. Shoqëria e sigurimit ushtron veprimtari sigurimi në përputhje me klasat, për të cilat është licencuar nga Autoriteti, dhe përjashtohet nga çdo veprimtari tjetër tregtare.
2. Shoqëria e sigurimit, që ushtron veprimtari sigurimi për klasat e sigurimit të jetës, nuk ushtron në të njëjtën kohë veprimtari sigurimi për klasat e sigurimit të jojetës dhe anasjelltas.

2.2. Kapaciteti ekonomik dhe financiar:

Kriteri: Xhiroja mesatare vjetore për 3 vitet e fundit duhet të ketë një vlerë jo më të vogël se 40 % e vlerës së fondit limit. Për këtë operatori ekonomik duhet të paraqesë vërtetim nga Administrata Tatimore për xhiron e realizuar gjatë tre viteve të fundit. Sqarojmë se kërkesa e mësipërme konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 55, pika 4, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i vlerës së kërkuar argumentohet si më poshtë:

Në nenin 55 të VKM nr.285 parashikohet:

Kërkesat ekonomike financiare duhet të kërkohen në raport me objektin e prokurimit, duke marrë në konsideratë që plotësimi i këtyre kërkesave mund të bëhet vetëm me paraqitjen e xhiros vjetore të realizuar nga operatorët ekonomikë. Vlera e xhiros së kërkuar në këtë lloj procedure prokurimi nuk mund të tejkalojë 40% të vlerës së përlllogaritur të kontratës, sipas parashikimeve në nenin 43, të këtyre rregullave.

Parashikimi prej 40 % është bere brenda parashikimit të normës së mësipërme.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar ne VKM nr.285, neni 43, pika 1:

Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi **deri në 3 (tre) vitet e fundit financiare.**

(Shënim: citoni dispozitën përkatëse të legjislacionit tatimor, ku përcaktohen afatet për paraqitjen nga tatimpaguesit të deklaratës vjetore pranë organeve tatimore).

Kapaciteti teknik:

Furnizime të ngjashme në një vlerë jo më të vogël se 20% të vlerës se perlllogaritur te fondit limit qe prokurohet, të realizuara gjatë tri viteve të fundit, nga data e shpalljes së njoftimit të kontratës. Kjo do të vërtetohet me dokumentat e mëposhtme.

- Për kontrata me institucionet shtetërore duhet të paraqitet kontrata dhe vërtetimi për realizimin me sukses të saj ose kontrata dhe faturat tatimore të shitjes.
- Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, ku shënohen datat, shumat dhe shërbimet e realizuara. **Faturat duhet** të jenë të deklaruara në organet tatimore.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe *nenin 55, pika 4/b*, të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë ne vlerën jo më shume se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Bazuar ne nenin 55, pika 4, b) te VKM Nr.285:

b) Për kontratat e mallrave dhe shërbimeve vlera totale e kërkuar duhet të jetë në një vlerë jo më të madhe se 20% të vlerës së përlllogaritur të kontratës, që prokurohet dhe që është realizuar gjatë tri viteve të fundit, nga data e shpalljes së njoftimit të kontratës.

Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohet, autoritete/entet kontraktore duhet të argumentojnë vlerën e kërkuar të kontratave të ngjashme brenda këtij marzhi.

II. Argumentimi i specifikimeve teknike

*Shënim: Përcaktoni specifikimet teknike, për mallrat objekt prokurimi, të cilat duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara, në përputhje me parashikimet e nenit 4, pika 38/b dhe nenit 36, të LPP, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”, **duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.***

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.

1. Objekti i Sigurimit: Asete te QKUM

Asete të paluajtshme (ndërtime e konstruksione), shuma e sigurimit 133.490.088 (njëqind e tridhjetë e tremilionë e katërqind e nëntëdhjetë mijë e tetëdhjetë e tetë) lekë

Instalime teknike e makineri (instalime dhe pajisje kompjuterike, teknologjike, softëare): 174.484.411 (njëqind e shtatëdhjetë e katërmilionë e katërqind e tetëdhjetë e katërmijë e katërqind e njëmbëdhjetë) lekë

Inventari ekonomik: 32.432.455 (tridhjetë e dymilionë e katërqind e tridhjetë e dymijë e katërqind e pesëdhjetë e pesë) lekë

Shuma e sigurimit në total: 340.406.954 (treqind e dyzet milionë e katërqind e gjashtëmijë e nëntëqind e pesëdhjetë e katër) lekë

Afati i mbulimit: 12 muaj nga nënshkrimi i kontratës.

Rreziqet e mbuluara: Zjarri, eksplozioni, rrufetë, renia mbi objektin e siguruar e nje mjetei fluturues, ndonje pjese apo ngarkese te tij, termeti, permbytje, stuhi, breshëri, bora, vullkan, tsunami, vërshimi, rrëshqitjet, rrjedhja e tubacioneve, thyerja e xhamave, vjedhje ose tentativë vjedhje dhe sulme keqdashëse, sulme kibernetike në rrjet, buge në rrjet, defekte të rrjetit elektrik etj.

Përmes këtij sigurimi mbulohe:

- Thyerja e xhamave: thyerja e xhamave të përparmë, të pasmë, anësorë, të tavaneve të hapur, shkaktuar këto nga goditja e një objekti të lëvizshëm;
- Zjarri, rrufeja, eksplozioni: dëmet e shkaktuara nga zjarri, eksplozioni dhe rrufeja;
- Katastrofa natyrore: dëmet e shkaktuara nga stuhia, breshëri, dëbora, tërmeti, vullkani, tsunami, përmytja, rrëshqitjet, vërshimi dhe dëmet e shkaktuara nga rënia e objekteve të ndryshme.
- Vjedhja, tentativa për vjedhje dhe sulme keqdashëse, dëmet që vijnë si pasojë e veprimeve të përvetësimit në mënyrë të fshehtë. Në këtë rrezik përfshihen gjithashtu edhe dëmet si pasojë e veprimeve që kanë synuar vjedhjen por që nuk kanë arritur të kryhen.
- Sulmet kibernetike në rrjet, buge në rrjet, defekte të rrjetit elektrik.

etj

Njësia e Prokurimit